



Image not found

Le Livre de la chasse (Lo libe de la caça)

Gaston Febus e lo Libe de la caça

5 - Istòria - Las figuras beras e los personatges de l'istòria

Gaston Febus (1331-1391) estoc lo onzau Comte de Foish e Vescomte de Bearn. Neishoc a Ortés o a Foish e establishcoc ua rica cort a Ortés dont las esplendors e la sofisticacion estón raportadas per Joan Froissart dins las suas **Cronicas** de cap tà 1380.

Gaston Febus descriu los sons centres d'interés, atau dins lo prològue deu **Libe de la caça** :

« Jo, Gaston(...)me soi delectat especiaument de tres causas : las armas, l'amor e la caça ». Prenguèva la caça fòrça au seriós, en li conferar vertuts a l'encòp fisicas e espiritualas. Considerava la caça coma un espòrt airejat que permetèva de demorar en santat mes longtemps. Pensava tanben qu'un bon crestian se devèva ocupar utilament entà anar au paradís. Consacrava fòrça temps a la caça e avèva mes de mila siès cents canhs de caça e dus cents chivaus ! Aqueth valent guerrièr avèva lo gost deu dangèr e aimava caçar los bèths gibièrs coma lo cèrvi, lo bocardon o lo pòrc-sanglar. Cacèc tota la sua vita e òm dit que morishcoc d'ua ataca en se lavar las mans en tornar d'ua caça a l'ors.

Entreprengoc de redigir, entre 1387 e 1391, un tractat sus l'art de la caça. Dediçòc aqueth libe a Felip lo Hardit, Duc de Borgonha. Aqueth tractat estoc utilizat peus adèptes de l'art cinegetic dinc a la fin deu siècle XVIau, e lo son succès estoc relançat gràcia a las debutas de l'imprimeria. Serà enquèra utilizat a la debuta deu siècle XVIIIau.

Aqueth libe ei un manuscrit, Gaston Febus causishcoc de tractar de catòrce bèstias que los canhs aimavan caçar : lo cèrvi, lo rène, lo dam, lo boc, lo cabiròu, la lèbe, lo lapin, l'ors, lo pòrc-sanglar, lo lop, lo rainard, lo taishon, lo gat sauvatge e la loira. Veng après, ua partida consagrada aus canhs de caça. Las dues prumèras partidas son donc exemples de tractats de naturalisma.

Totes los autes aspèctes de la caça son tractats : las diferentes estapas de la carriera de caçaire, las armas e tecnicas de caça. I a tanben ua partida consagrada a la medecina veterinària. Se pòt tanben trobar dins lo libe conselhs de caça entaus senhors los mens rics.

Auèi, òm pòt véser paginas deu manuscrit dins diferents musèus dins lo monde e en França, au castèth de Pau, a la bibliotèca Inguembertine a Carpentràs o a la bibliotèca municipal de Lion. La colleccio la mes importanta ei a la bibliotèca nacionala de França.

<http://expositions.bnf.fr/phebus/index.htm>

http://www.dailymotion.com/video/xgbip0_le-livre-de-chasse-de-gaston-phebus_sport

<http://graphikdesigns.free.fr/gaston-febus-phebus.html>

Friza cronologica

Frise

Image not found
https://www.go-to-the-future.eu/Fichiers/frises/1119505.gastonfebus_oc.png

Lexic

Cinegetica

adjectiu que recobrish çò que pertòca la caça

Prològue

tèxte a la debuta d'un escriut, avant lo còr de l'obratge (los capítols)

Epilògue

tèxte de conclusion a la fin d'un obratge

Questions

1. Quina ei la diferéncia entre un libe e un manuscrit ?
2. Quin adjectiu ei utilizat entà tot çò que se rapòrta a la caça ?
3. Quinas espécias de bèstias èran consideradas coma gibièr ?
4. Pòdes citar las differentas partidas deu **Libe de la caça** ?
5. Lo **Libe de la caça** estoc un succès ?

Activitats

1. Pòdes trobar coma s'apèran aqueras bèstias en occitan auèi ?

Rangier, dain, chevrel, regnart, chat, blariau

2. Vertat o Faus ?
 - a. Gaston Febus neishoc a Foish.
 - b. Gaston Febus demorava en Bearn.
 - c. Gaston Febus caçava entà se neurir.
 - d. Gaston Febus escrivoc lo **Libe de la caça**.
 - e. Gaston Febus èra crestian.

Image not found

<https://www.go-to-the-future.eu/Modules/fiches/images/footer-pdf.png>

